

In mien Kleerschapp

Dree Schappen vull van nix antotrecken! De Spröök sünd Frünnen van mi al wenn. Ja, de Spröök segg ik smaals, wenn jöttert word, dat een nix antotrecken hett. Mien Familie kennt disse Woorden ok al van mi. Wiss, ik maak mi geern lüstig över de Plünnerrieters unner mien Kulantjes. Weten ji, ik kenn nüms, de wahrchtig nix antotrecken hett! Nakend hebb ik noch nooit well van uns Nabers un Bekennenden up d' Straat sehn.

Kiekt doch maal in jo Schappen rin. Daar finnt sük seker alltied wat antotrecken. Ok wat Moois! Ji willen mi doch neet vertellen, dat ji all neet weten, wat good an jo lett. Ji willen mi ok seker neet vertellen, dat sük in jo Kleerschappen blot Klatten of halvsleten Plünnen finnen doon. Elk un een hett ja al



Antje Lübben

vööls to vööl Reev tohuus in d' Schapp. Man wat passeert? Nu, waar de Lock-down glückelk vörbi is, nu gahn de Lüü eerst maal reell up Böskupp. Sönn-dagspackjes, Olldagskleer un annner Kledage inkopen! Shoppen!

Nee, ik mag dat neet un ik maak dat ok neet geern. Ik weet neet, wat de Lüü daar so an finnen. De Ladens sünd vull. Vull van Minsken un vull van Plünnen. De Ladens sünd so vull van Plünnen, dat dat daar haast överall Rabatt up geven deit. Was dat neet mooi, wenn wi blot Saken in uns Kleerschapp harren, de wi geern antrecken? Was dat neet mooi, wenn wi blot Packjes harren, de wi geern dragen?

Ik meen, wi kunnen ja blot Saken in uns Kleerschapp hebben, de neet stiekeln, neet krabben un neet kniepen. Saken, de uns good passen un de uns kleden. Kleer, de wi van Harten geern lieden mögen. Kleer, de wi geern in de Hand nehmen, geern wasken un geern plätten. Uns Kleerschappen kunnen

KOLUMNE

Moin, Moin
Schrievers moje
allerbest **Spraak** hoop
Pläseer **Vertellsel**
Smüstern

Platt maakt

halv so groot wesen, wenn daar wiss blot de Hemden, Blusen, Joppen, Büxen un Rocken inhangen deden, de wi ok antrecken. Wenn denn maal wat stücken geht of to lüttjet word, denn kann dat ja ok maal naköfft worden. So seh ik dat.

Seker hebb ik blot dat hele System van Konsum verkeert begrepen. Een mutt ja elke Saison wat Ne-eis hebben – ok wenn een de Stevels, Ballerinas, Jeg-gins, Leggins un Falleraat-jes denn gaar neet stahn un blot in de Kleerschapp un-nergahn. Daar is mi mien Geld to schaa för. Ja, ik stah daar to: Ik hebb in mien Kleerschapp geern de Sa-ken, de ik ok geern antre-cken mag. Anners nix.